

Elim deb, yurtim deb yonib yashash kerak!


# Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 13-dekabr, shanba № 100 (15842)



Ko'zgu

## Келажакка ИШОНЧ

Эртанги кунга ишонч! Бугун ўзбекистонлик ҳар бир йигит-қиз — ўқувчи, талаба, ёш мутахассис нигоҳида уни кўрасиз. Юртбошимиз раҳнамолигида ёш авлодга кўрсатилаётган юксак эътибор ва ғамхўрлик замирида ўғил-қизларнинг яхши таълим-тарбия олиб, баркамол инсонлар бўлиб улғайишларига қаратилган эзгу мақсад мужассамдир. Республика Маънавият тарғибот маркази, Халқ таълими вазирлиги ҳамда бошқа қатор давлат ва жамоат ташкилотлари ҳамкорлигида профилактик рўйхатда турадиган болалар иштирокида юртимизнинг барча ҳудудларида ташкил этилган «Биз келажакка ишонамиз!» номли республика форуми ҳам ана шу олижаноб ва эзгу мақсадга хизмат қилди.

(Давоми 3-саҳифада)

Davlat mukofoti sohiblari

## КОМИЛЛИККА ИНТИЛИШ БАХТИ

Атоқли олим — фан арбоби Азиз Қаюмов бутун умрини адабиётшуносликка, хусусан, Алишер Навоий ижодини ўрганишга бахш этганини яхши биламиз. Илм йўлида қилган хизматлари эвазига академик унвонига сазовор бўлди. Мустақиллигимизнинг 23 йиллиги арафасида «Буюк хизматлари учун» ордени билан мукофотланди. Бу хушxabарни эшитиб, аллома шоирнинг «Лайли ва Мажнун» достонидаги сўзлар ёдимга тушди: «Ё Раб, менинг бу ёзганларимни ҳар ким ўқиб англаса, ўқиганларини андиша билан ўйлаб, менинг муддаоларимни тасаввур этса, мақсади айб излаш бўлмаса, шундай кишиларга бутун фаннинг эши-



гини очиб бергин...» Бу айнан ҳикоямиз қаҳрамони Азизхон домла сингари фан фидойилари учун башоратнамо сатрлар эканини тасаввур қиласан, киши...

(Давоми 5-саҳифада)

Men saylovga tayyorman

## САЙЛАШ ҲАМ МАСЪУЛИЯТ

Мамлакатимиз ҳаётидаги муҳим сиёсий воқеа — Олий Мажлис Қонунчилик палатаси, халқ депутатлари вилоят, туман ва шаҳар Кенгашларига сайловга ҳам оз фурсат қолди. Унда миллионлаб тенгдошлари-

миз иштирок этади. Эътиборлиси, кўпчилигининг ҳаётида бу сайлов биринчисидир. Мухбиримиз илк бор мана шундай улкан сиёсий воқеа иштирокчиси бўлишга тайёрланаётган ёшлар

билан суҳбатлашди. Хўш, улар сайловга қандай тайёргарлик кўрмоқда? Сайловнинг ўз ҳаёти ва келажакдаги ўрнини қай даражада баҳоламоқда?

(Давоми 4-саҳифада)

«Kamolot» loyihalari

## 150 нафар спортчи Ғолиблик учун курашмоқда

Кеча пойтахтимиздаги 43-болалар ва ўсмирлар спорт мактабида пенчак силат бўйича «Камолот» кубоги мусобақаси старт олди. Унда республикаимизнинг барча ҳудудларидан етти ёшдан ўн олти ёшгача бўлган 150 нафар ўғил-қиз қатнашмоқда.



«Камолот» ёшлар ижтимоий ҳаракати, Маданият ва спорт ишлари вазирлиги, Болалар спортини ривожлантириш жамғармаси, Шарқ яккакурашлари ва жанг санъатларини ривожлантириш республика маркази, Ўзбекистон пенчак силат федерацияси ҳамкорлигида ташкил этилган мазкур му-

собақа тандинг (жанг), тунгал (якка тартибда машқ намойиши), секапасанг (кўргазмали чиқиш) йўналишларида бўлиб ўтмоқда. Мусобақа иштирокчилари бешта ёш ва 58 вазн тоифаларида беллашмоқда.

(Давоми 6-саҳифада)



«ОБУНА — 2015» Ўзбекистон ёшларининг бош наشري — «Turkiston» 2015 йилда ҳам сизнинг наслиқдошингиз, ҳамроҳингиз бўлади.

ОБУНА ИНДЕКСИ: 203

«TURKISTON»GA ОБУНА БЎЛИНГ!



2014 yil — Sogʻlom bola yili

# ЎЗ КАСБИНИНГ МОҲИР ЭГАЛАРИ ШАРАФЛАНДИ

Ўзбек Миллий академик драма театрида Ўзбекистон Касаба уюшмалари федерацияси кенгаши томонидан ташкил этилган «Ўз касбининг моҳир эгалари» тадбирининг якуний босқичи бўлиб ўтди. Унда давлат ва жамоат ташкилотлари вакиллари, маданият, санъат, илм-фан намояндalари, турли соҳаларда самарали меҳнат қилаётган замондошларимиз, фаол ёшлар ва журналистлар иштирок этди.

Ўзбекистон Касаба уюшмалари федерацияси кенгаши раиси Т.Норбоева ва бошқалар Президентимиз Ислам Каримов раҳнамолигида жамиятимизда амалга оширилаётган кенг қўламли ислотлар жараёнида меҳнатқашларнинг ижтимоий-иқтисодий манфаатларини таъминлаш, ҳар бир инсон ўзи танлаган соҳада салоҳиятини тўла намён этиши учун қулай шароит яратишга алоҳида эътибор қаратилаётганини таъкидлади.

«Соғлом бола йили» Давлат дастури доирасида бу борадаги ишлар қўламини янада кенгаймоқда.

Бугунги кунда Ўзбекистон касаба уюшмалари федерацияси кенгаши ва унинг жойлардаги тузилмалари жамиятимизнинг

барча тармоқларида фаол меҳнат қилаётган турли соҳа ходимларини муносиб рағбатлантириш мақсадида кенг қамровли ишларни амалга оширмоқда. Ҳар икки йилда бир марта ўтказилаётган «Ўз касбининг моҳир эгалари» лойиҳаси бунга мисолдир.

Ушбу тадбирда жорий йил таълим, фан, санъат, маданият, соғлиқни сақлаш, жамоат хизмати, алоқа, авиация, темирйўл, транспорт, йўл қурилиши, агросаноат, истеъмол товарлари ишлаб чиқариш, хизмат кўрсатиш, нефть-газ, геология, энергетика, кимё, кон-металлургия, машинасозлик каби тармоқларда кўп йиллардан буён самарали фаолият юритиб, ўз соҳасида малака ва катта тажриба орттирган етти мингга

яқин турли касб эгалари иштирок этди. Уларнинг қирқ беш нафари финал босқичи совриндори бўлди ва ташкилотчилар томонидан диплом ҳамда қимматбаҳо совғалар билан тақдирланди.

— Эллик йилдан буён пахта саноати соҳасида меҳнат қилмоқдаман, — дейди совриндорлардан бири, «Ўзпахтасаноат» уюшмасига қарашли «Пахта-саноат илмий маркази» акциядорлик жамиятининг стандартлаштириш ва метрология бўлими мудирини Акмал Аҳмедов. — Мутахассисларимиз томонидан 2010-2014 йиллар давомида пахта ва пахта маҳсулотларини стандартлаштириш, текшириш усулларини ва пахта толасининг физик-механик хоссалари давлат стандарти намуналарини ишлаб чиқишга йўналтирилган илмий ишланмалар бажарилди, меъёрий ҳужжатлар ишлаб чиқилиб, жорий этилди. Соҳа ривожини, юрт тараққиётига йўналтирилган бундай ишларимиз давлатимиз томонидан муносиб қадрланаётгани кучимизга-куч, ғайратимизга ғайрат қўшмоқда.

**Баҳор ХИДИРОВА,**  
ЎЗА мухбири

## Боланинг безонаси бўлмайдиган

*Низомий номидаги Тошкент давлат педагогика университетида «Ёшлар ўртасида ҳуқуқбузарликлар профилактикаси ва қонунчилик тарғиботи» мавзусида тадбир ташкил этилди.*

Маълумки, юртимизда ёш авлодни ҳар қандай хуружлардан, ташқи таъсирлардан асраш йўлида қатор тадбирлар ўтказиб келинмоқда. Жумладан, Республика Ички ишлар вазирлиги Ҳуқуқбузарликларнинг олдини олиш бош бошқармаси томонидан таълим муассасаларида давра суҳбатлари ташкил этилмоқда. Мазкур анжуман ҳам ана шундай тадбирлардан бири бўлди. Унда Ички ишлар вазирлиги академиясининг олий академик курслари тингловчилари, катта илмий ходимлар, ҲООББ вакиллари ҳамда университет ўқитувчи ва талабалари иштирок этди.

Учрашувда вояга етмаганлар назоратсизлигининг олдини олиш борасида амалга оширилаётган ишлар, ёшлар ўртасида турли ҳуқуқбузарликларнинг содир бўлиш сабаблари, гиёҳвандлик, одам савдоси каби нохуш ҳолатларга нисбатан огоҳлик каби муҳим вазифалар юзасидан маърузалар қилинди.

Маърузалар юзасидан билдирилган фикр-мулоҳазалар ва савол-жавоблардан сўнг гиёҳвандлик оқибатлари акс этган фильм намойиш этилди.

**Наргиза АСАДОВА,**  
«Туркiston-пресс» мухбири

## Ёшлар учун замонавий спорт мажмуаси

*Қораўзак туманида янги болалар спорт мажмуаси фойдаланишга топширилди.*

Бу ерда ёшларнинг футбол, волейбол, баскетбол, оғир атлетика, теннис, таэквон-до, бадий гимнастика билан шуғулланиши учун қулай шароит яратилган. 960 ўринли футбол майдони, қишки ва ёзги сузиш ҳавзалари мавжуд.

Янги объектнинг очилиш маросимида «Камолот» ёшлар ижтимоий ҳаракати туман кенгаши, Қорақалпоғистон Республикаси Халқ таълими вазирлигига қарашли болалар спортини ривожлантириш жамғарма-

си вакиллари, спорт фахрийлари, ўқувчилар иштирок этди.

Тадбир якунида футбол, баскетбол, волейбол бўйича мусобақа ташкил этилди. Мусиқа ва санъат мактаби ўқувчилари тайёрлаган бадий дастур йиғилганларга кўтаринки кайфият бағишлади.

**Зарафшон УМАРОВА,**  
Қорақалпоқ давлат университети талабаси

## «Камолот» лойиҳалари



*Урганч халқаро аэропорти, темир йўл вокзали ҳамда шаҳар деҳқон бозорларида «Камолот» ёшлар ижтимоий ҳаракати вилоят кенгаши ташаббуси билан «Биз, ёшлар одам савдосига қаршимиз!» шиори остида акция ўтказилди.*

## ОДАМ САВДОСИГА ҚАРШИ АКЦИЯ

Унда Ҳаракат фаоллари фуқароларга одам савдосининг бугунги ҳолати ва аянчли оқибатлари ҳақида тушунча берди. Бозорларда эса тегишли маълумотлар радио орқали эшиттирилди.

Дунёда ҳар йили тўрт миллион киши одам савдосидан жабр кўрмоқ-

да. 21 миллион киши мажбурий меҳнатга жалб қилинган. Одам савдоси қурбонларининг 80 фоизини аёллар ва вояга етмаганлар ташкил қилади.

Акция давомида урганчликларга мавзуга оид буклет ва флаерлар тарқатилди.

**Шахло САФАШЕВА**

## ТАРҒИБОТ ОЙЛИГИ ДАВОМ ЭТМОҚДА

*Қарши туманидаги санъат коллежида «Ўзбекистон Республикаси Конституцияси — мамлакат тараққиёти ва жамият фаровонлигининг ҳуқуқий кафолати» мавзусидаги тарғибот ойлиги ҳамда давлатимиз мадҳияси қабул қилинганининг 22 йиллиги муносабати билан «Мадҳиямиз — фахримиз» мавзусида давра суҳбати бўлиб ўтди.*

Тадбир «Камолот» ЁИХ Қашқадарё вилояти кенгаши, ўрта махсус, касб-ҳунар таълими, маданият ва спорт ишлари, адлия бошқармалари ҳамкорлигида ташкил этилди.

Унда тарғиботчи ёшлар Конституциямизнинг мазмун-моҳияти, яратилиш тарихи, бошқа давлатлар асосий қонунларидан фарқи, ўзига хосликлари, унга киритилаётган қўшимча ва ўзгартишлар, шунингдек, «Ўзбекистон Республикаси Давлат мадҳияси тўғрисида»ги қонун юзасидан ўқувчиларга тушунча берди.

Давра суҳбати давомида мутахассислар ёшларни демократик тамойиллар, миллий ва умуминсоний қадриятлар асосида маънан етув ва жисмонан соғлом бўлиб вояга етишида кўмаклашиш, ёш авлоднинг дунёқараши ва фикрлаш даражасини кенгайтириш, уларни ватанпарварлик ва давлат рамзларига ҳурмат руҳида тарбиялаш борасида фикр-мулоҳазаларини билдирди.

**Феруза ТҶАЕВА**

## Чет тилларни ўрганиш — давр талаби

Ўзбекистон давлат жаҳон тиллари университетида «Чет тилини ўқитишнинг долзарб масалалари» мавзусида илмий-амалий семинар бўлиб ўтди. Унда профессор-ўқитувчилар, талаба ва журналистлар қатнашди.

Тадбирни очиб берган Ўзбекистон давлат жаҳон тиллари университети ректори Шухрат Қаюмов миллий таълим тизимида хорижий тилларнинг аҳамияти ва уларни пухта ўргатиш борасида университет томонидан амалга оширилаётган ишлар хусусида сўз юритди. Университет қошидаги Чет

тилларни ўқитишнинг инновацион методларини ривожлантириш республика илмий-амалий маркази директори М.Ирискулов мамлакатимизда хорижий тилларни ўргатадиган юқори малакали ўқитувчилар тайёрланаётганини таъкидлади. Тадбир давомида «Камолот» ёшлар ижтимоий ҳаракати

университет бошланғич ташкилоти тайёрлаган «We learn foreign languages together!» видеоролиги намойиш этилди.

Семинарда университет талабалари инглиз, хитой, корейс, араб ва бошқа тилларда ёзган илмий мақолаларнинг тақдимоти ни ўтказди. Иштирокчиларнинг чиқишлари ҳакамлар ҳайъати томонидан баҳоланди.

Тадбирда инглиз, немис, француз, испан тиллари бўйича янги дарслик ва ўқув қўлланмалари тақдимоти ҳам ташкил этилди.

**Кумар БЕГНИЯЗОВА,**  
«Turkiston» мухбири

# Келажакка ИШОНЧ

(Давоми, бошланиши 1-саҳифада)

ТОШКЕНТ

«Биз келажакка ишонамиз!» шиори остидаги республика форуми пойтахтимизда ҳам кўтаринки руҳда ўтказилди. Унда пойтахт ва Тошкент вилоятидаги мактаб ҳамда ўрта махсус, касб-хунар таълими муассасалари ўқувчилари, профилактик ҳисобда турган вояга етмаганлар, педагог ва психологлар, санъаткорлар қатнашди.

Форумнинг асосий тадбирлари Маърифат марказида ташкил этилди. Тадбирнинг очилиш маросимида Республика Маънавият тарғибот маркази, Ўзбекистон Касаба уюшмалари федерацияси кенгаши, «Камолот» ёшлар ижтимоий ҳаракати вакиллари сўз олди. Таъкидланганидек, форум юртимизда ёшлар тарбияси ва ижтимоий фаоллиги йўлида олиб борилаётган тизимли саъй-ҳаракатларнинг амалий ифодаси бўлиб, вояга етмаганлар орасида ҳуқуқбузарлик ва жиноятчиликнинг олдини олиш, ёт ва бузғунчи ғоялардан огоҳ этиш, ёш авлод қалбида Ватанга муҳаббат ва истиқлол ғояларига садоқат туйғуларини сингдиришга хизмат қилади.

Форум иштирокчилари муҳташам Маърифат маркази мажмуаси таркибидаги Алишер Навоий номидаги Ўзбекистон Миллий кутубхонасини кўздан кечирдилар. Замонавий зиё масканида китобхонлар учун яратилган қулай шароитлар ёшларни ҳайратга солди.

Маърифат маркази билан танишувдан унутилмас таассуротга эга бўлган ёшлар форум дастуридаги асосий тадбирларга кунт ва иштиёқ билан киришдилар. Улар учун жиноятчиликнинг олдини олиш, кашандалик ва ичкиликбозлик каби иллатлар, нотиқлик, нутқ маданияти, табиат муҳофазаси, соғлом турмуш тарзи, рассомлик маҳоратига доир психологик тренинглари, семинар машғулоти ўтказилди. Шунингдек, ёшлар таниқли спортчилар, актёр ва хонандалар билан учрашдилар.

Форум якунида иштирокчиларга сертификатлар топширилди.



СУРХОНДАРЁ

Сурхондарё вилоятида бўлиб ўтган Республика Маънавият тарғибот маркази вилоят бўлими, вилоят ҳокимлиги ҳузурларидаги вояга етмаганлар ишлари бўйича комиссия, ўрта махсус, касб-хунар таълими, халқ таълими бошқармалари ҳамда «Камолот» ёшлар ижтимоий ҳаракати вилоят кенгаши ҳамкорлигида ташкил этилган «Биз келажакка ишонамиз!» форумида профилактик рўйхатда турадиган ёшлар, умумтаълим мактаблари, академик лицей ва касб-хунар коллежлари ўқувчилари қатнашди.

Форумнинг очилишида Президентимиз раҳнамолигида ёшларнинг иқтидор ва салоҳиятини юзага чиқариш учун кенг имконият ва шароитлар яратиб берилганлигини, уларни Ватанга муҳаббат, истиқлол ғояларига садоқат руҳида тарбиялашга алоҳида эътибор қаратилаётгани таъкидланди.

— Ушбу форум ёшларнинг маънавияти, ижтимоий фаоллигини ошириш, қалбида фахр-ифтихор, миллий қадриятларимизга ҳурмат, юрт тақдирини дахлдорлик туйғуларини кучайтиришга қаратилгани билан аҳамиятлидир, — дейди Маънавият тарғибот марказининг Сурхондарё вилояти бўлими раҳбари Муҳаммаджон Азимов. — Тадбирда профилактик ҳисобда турадиган ўқувчилар ҳам қатнашди. Бу уларнинг ҳаётида ўзига хос воқеадир.

Халқимиз болажон, шу боис ҳам боланинг бегонаси бўлмади, дейишади. Форум халқимизга хос бағрикенглик, меҳрибонлик, инсонпарварлик фазилатлари асосида ташкил этилди. Унда илмфан, санъат ва спорт соҳаларида ютуқларга эришган йигит-қизлар билан профилактик ҳисобда турадиган ёшлар биргаликда иштирок этгани ҳам айни муддао бўлди. Улар дўстона фикр алмашдилар. Форум баҳонасида бу ёшлар иқтидорли тенгдошларига ҳавас қилиб, ўзлари ҳам улардек бўлишга интилишяпти.

— Бу ерда кўплаб тенгдошларим, ака-опаларим билан танишиб, суҳбатда бўлдим, уларнинг ютуқлари билан танишдим, — дейди Термиз шаҳридаги 13-мактаб ўқувчиси Муҳайё Холтўраева. — Дарсдан бўш вақтимда шахмат, стол тенниси билан шуғулланаман, инглиз тилини ўрганишман. Лекин ҳали катта ютуқларга эришганим йўқ. Шу боис янада кўпроқ ўқишни, спорт билан мунтазам шуғулланишни олдимга қатъий мақсад қилиб қўйдим. Зеро, биз, ёш авлоднинг бахтли келажакимиз учун юртимизда барча шароитлар муҳайё этилган. Бундан унумли фойдаланиш бурчимиздир.

Тадбир давомида ёшлар Термиз шаҳрининг диққатга сазовор жойларини томоша қилиб, археология музейи ҳамда ҳайвонот боғида бўлди.



АНДИЖОН

Профилактик рўйхатда турадиган ёшлар орасида ҳуқуқбузарлик, жиноятчилик, хусусан, диний ақидапарастлик, ичкиликбозлик каби иллатларнинг олдини олиш мақсадида ўтказилган «Биз келажакка ишонамиз!» шиори остидаги форум андижонлик ёшларга ҳам унутилмас лаҳзаларни ҳада этди. Республика Маъ-

навият тарғибот маркази ва «Тасвирий ойина» ижодий уюшмасининг вилоят бўлими, «Камолот» ЁИХ вилоят кенгаши, халқ таълими, соғлиқни сақлаш, ўрта махсус, касб-хунар таълими, ички ишлар бошқармалари билан ҳамкорликда ташкил этилган ушбу тадбирда Андижон шаҳридаги Болалар шаҳарчаси тарбия-

ланувчилари ҳамда умумтаълим мактаблари ўқувчилари иштирок этди.

Форумда ўқувчи-ёшларга бугунги кунда мамлакатимизда ҳукм сураётган тинчлик, осойишталик энг олий неъмат экани, биз, ёшлар фақат ўқиб-ўрганиб, келажакка улкан мақсад ва ишонч билан қарашимиз лозимлиги тушунтирилди.

Шундан сўнг тадбир иштирокчиларига «Ўзбекино» Миллий агентлиги буюртмаси асосида суратга олинган «Гумроҳлар» фильми намойиш этилди. Форум доирасида иштирокчилар Андижон шаҳридаги ўлкашунослик музейи ҳамда шаҳарнинг бошқа диққатга сазовор жойларини томоша қилдилар.

БУХОРО

Бухоро вилоятида ўтказилган форумда ҳам кўплаб ёшлар иштирок этди.

Форум аввалида таниқли спортчилар, санъаткорлар, шоир ва ёзувчилар, Олимпия ва Паралимпия ўйинлари совриндорлари билан учрашувлар ташкил этилди. «Ёшлар тарбиясининг педагогик асослари», «Ёшлар орасидаги ўзаро муносабатларнинг психологик жиҳатлари», «Вояга етмаганлар орасида ҳуқуқбузарлик ва жиноятчиликнинг олдини олиш», «Она табиатни асрайлик», «Соғ танда — соғлом ақл» мавзуларида баҳс-мунозаралар олиб борилди.

Тадбирлар якунида фаол иштирокчилар турли номинациялар бўйича тақдирланди.



Саҳифа материалларини Наргиза Умарова, Наргиза Раҳматуллаева, Рустам Юсупов, Лайло Ҳайитова, Миролим Исажонов тайёрлади

СИРДАРЁ

«Биз келажакка ишонамиз!» ёшлар форуми Гулистон шаҳридаги Маданият ва маърифат марказида ҳам ўтказилди.

Тадбир Республика Маънавият тарғибот маркази, вилоят ҳокимлиги ҳузурларидаги вояга етмаганлар ишлари бўйича комиссия, «Камолот» ЁИХ вилоят кенгаши, халқ таълими, маданият ва спорт ишлари, ички ишлар бошқармалари, вилоят телерадиокомпанияси, Гулистон давлат университети ҳамкорлигида ташкил этилди.

Форумда фаол тенгдошларимиз, Зулфия номидаги Давлат мукофоти, «Ўзбекистон белгиси» кўкрак нишони соҳиблари, танловлар ғолиблари, Болалар шаҳарчаси тарбияланувчилари, «Камолот»-чи ва иқтидорли ёшлар катнашди.

## Ilm sarhadlarida

Абу Райхон Беруний номидаги Тошкент давлат техника университетиде «Олий таълим тизимида илмий тадқиқот фаолиятини самарали ташкил этиш ва натижавийлигини оширишнинг долзарб масалалари» мавзuida республика илмий анжумани бўлиб ўтди.

## Олий таълим ва илмий-ижодий фаолият

Олий ва ўрта махсус таълим вазирлиги ҳамкорлигида ташкил этилган анжуманда Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш қўмитаси, Олий аттестация комиссияси, Интеллектуал мулк агентлиги вакиллари, Самарқанд, Фарғона, Гулистон давлат университетлари, Жиззах давлат педагогика институти, Ўзбекистон давлат санъат ва маданият институти, Тошкент давлат педагогика университети, Тошкент кимё-технология институти, Тошкент архитектура ва қурилиш институти, Тошкент ахборот технологиялари университети, Қорақалпоқ давлат университетининг профессор-ўқитувчилари ва ёш олимлар иштирок этди.

— Мамлакат иқтисодий тараққиётининг асосий бўғинларидан бири саноатдир, — дейди Тошкент давлат техника университети илмий ишлар бўйича проректори Карима Норкулова. — Бугунги анжуман фан, таълим ва ишлаб чиқаришнинг самарали интеграциясини амалга ошириш, илм-фан соҳаларининг барча жабҳаларида ёш



олимларнинг фаол иштирокини таъминлаш, улар ўртасида ўзаро илмий-ижодий ҳамкорликни йўлга қўйишга қаратилган. Шунингдек, илмий-тадқиқотлар орқали юқори натижага эришиш, уларни таълим ва ишлаб чиқариш жараёнига татбиқ қилиш, кенг жамоатчиликка етказишдан иборат.

Илмий анжуманда табиий фанлар ва техника илмий ишларида илмий-тадқиқотлар тизимининг ҳолати, самарадорликни оширишнинг долзарб муаммолари, олий таълим тизимида илмий тадқиқотларни кенгайтириш, ёшларни илмий фаолиятга жалб этиш,

Ўзбекистон миллий стратегиясини амалга ошириш ва инсон капиталини ривожлантиришда ижтимоий-гуманитар фанлар аҳамиятини ошириш каби мавзуларда ялпи ва шўба мажлислар бўлиб ўтди. Уларда юздан ортиқ олим ва мутахассислар маъруза қилди.

— Ечимни топилиши зарур бўлган асосий масалалардан бири фан докторларини тайёрлашдир. Айти пайтда уларнинг ўртача ёши кексайиб борапти, бу тенденция дунё миқёсида ҳам кузатилмоқда. Унинг олдини олиш учун ёшларни илмий фаолиятга кенгроқ жалб этмоғимиз шарт. Ёш истеъдодли олимлар ҳисобига илмий салоҳиятни муттасил ошириб бориш зарур, — дейди техника фанлари доктори, профессор Камолхон Каримов.

Мамлакатимизда замонавий таълим-тарбия тизимининг шаклланиши Фанлар академияси тизимидаги ҳамда тармоқ илмий-тадқиқот муассасалари ва олий ўқув юрталарининг фаолияти билан узвий боғлиқ. Ҳозирда олимларимиз миллий ва халқаро грантлар асосида фаннинг кўплаб истиқболли йўналишлари бўйича илмий изланишлар олиб бормоқда.

**Назокат ҚУРБОННИЁЗОВА,**  
«Turkiston» мухбири

## Saylov — 2014

## САЙЛАШ ҲАМ МАСЪУЛИЯТ

(Давоми, бошланиши 1-саҳифада)

**Жавоҳир Исроилов,**  
Тошкент архитектура ва қурилиш институти талабаси:

— Шу пайтгача сайлов ҳақида умумий тушунчага эга эдим. Сайлаш ҳуқуқига эга бўладиган ёшга етганимда унинг нақадар масъулиятли эканини ҳис қиляпман. Мен сайловда шунчаки иштирокчи эмас, мустақил шахс ва ўз фикрига эга фуқаро сифатида қатнашаман. Утган галги сайловда отам билан бирга бориб, номзодларга овоз бериш жараёнини кузатган эдим. Мана, бугун мен ҳам ўз овозимга эгаман.

Бу йили биринчи марта сайловда иштирок этаман. Сайлов ҳам қувончли, ҳам ҳаяжонли воқеа.

Сиёсий партияларнинг сайловолди дастурлари билан танишдим. Бу борада институтимизда ташкил этилган «Ёш сайловчи» бурчаги яқин маслаҳатчимга айланди.

Қандай номзодга овоз бераман? Буни очик айтишим мумкин. Мен бунёдкорлик соҳасига катта эътибор берадиган, аввалги депутатлар фаолиятини кузатиб, улардан ижобий жиҳатларни олиб, камчиликларини тўлдиришни мақсад қилган номзодга овоз бераман.

**Дилшода Раҳимова,**  
Термиз давлат университети талабаси:

— Сайловга ҳар бир фуқаро катта масъулият билан ёндашиши керак, деб ҳисоблайман. Чунки бизнинг эртанги кунимиз бугун биз сайлаётган инсонларнинг хатти-ҳаракатларига боғлиқдир. Илк марта сайлаш ҳуқуқимдан фойдаланаман. Бу мен учун шунчаки эсда қоғаларли воқеа эмас. Менинг келажгим, орзу-истакларим билан боғлиқ воқелиқдир. Халқимизнинг эртанги ҳаёти, фаровон турмуши учун овоз бераман. Фурсатдан фойдаланиб, юртимиздаги барча йигит-қизларга мурожаат қилиб айтаман: сайловда қатнашиб, элим деб, юртим деб ёниб яшайдиган, ўз олдида катта мақсадлар қўйган номзодларга овоз берайлик.

## САЙЛОВ ОКРУГИДА СЕМИНАР-ТРЕНИНГ

Марказий сайлов комиссияси томонидан Тошкент шаҳридаги 126-Темирийўлчилар сайлов округига қирадиган, Ўзбекистон Республикаси Олий мажлиси Қонунчилик палатаси, халқ депутатлари вилоят, туман ва шаҳар Кенгашларига сайлов ўтказадиган участка сайлов комиссияси аъзолари учун семинар-тренинг ташкил этилди.

Сайлов қонунчилигига кўра, улар участка бўйича сайловчилар рўйхатини тузиш, сайловчиларни ушбу рўйхат билан таништириш, унда йўл қўйилган хатолар ва ноаниқликлар тўғрисидаги аризаларни қабул қилиб, кўриб чиқиш ҳамда рўйхатга тегишли ўзгартиришлар киритиш, аҳолини сайлов куни ва овоз бериш жойи ҳақида хабардор этиш, сайлов участкасида берилган овозларни ҳисоблаш ваколатига эга.

— Сайлов жараёнига тайёргарлик кўриш ва уни ўтказишда участка сайлов комиссияларига катта масъулият юкланади, — дейди Марказий сайлов комиссияси раиси Мирзо-Улугбек Абдусаломов. — Бугунги кунда мамлакатимиздаги барча сайлов участкалари зарур техника ва алоқа воситалари билан жиҳозланган ҳамда аҳолига қулай бўлган биноларда жойлашган. Улар тегишли даврий матбуот ва сайлов қонунчилигига оид ҳуқуқий адабиётлар билан таъмин-



**Юлдуз Вафоева,**  
Ўзбекистон давлат санъат ва маданият институти талабаси:

— Бош қомусимизга кўра, Ўзбекистон Республикасининг ҳар бир фуқароси давлат ҳокимияти вакиллик органларига сайлаш ва сайланиш ҳуқуқига эга. Сайловда иштирок этиб, муносиб номзодга овоз бериш мамлакатимизнинг вояга етган ҳар бир фуқароси бурчидир.

Сайловда тенгдошларим қатори ўзим танлаган номзодга овоз бераман. Биз ёшлар, албатта, бу сиёсий тадбирда фаол қатнашишимиз, ўзимиз танлаган номзодга холис овоз беришимиз керак. Шундай экан, сайлов қонунчилигини яхши билишимиз, сайловолди ташвиқотларни мунтазам кузатиб боришимиз керак.

**Маман Бекниёзов,**  
Қорақалпоқ давлат университети талабаси:

— Мамлакатимизда сайлов тизими босқичма-босқич ислоҳ қилиб борилмоқда. Бу йилги сайлов биз, ёшларнинг олдимизга муҳим вазифалар қўймоқда. Юртимизда ташаббускор ва тадбиркор ёшларнинг сони кўпайпти. Тенгдошларимнинг тадбиркорлик фаолияти билан шуғулланишлари учун давлатимизда барча шароитлар яратилган. Бизнинг овозимиз мамлакатимизнинг янада ривожланиши йўлида муҳим аҳамиятга эга. Шундай экан, ҳар бир фуқаро мамлакатимиз ривожига ўзининг эзгу фикр ва гоёларни, амалий ишлари билан кўмак берадиган номзодга ўз овозини бериши лозим. Бунда бизга депутатликка номзодлар ҳамда сиёсий партияларнинг сайловолди дастурларини яхши ўрганиб чиққанимиз қўл келади.

## САЙЛОВ ОКРУГИДА СЕМИНАР-ТРЕНИНГ

Марказий сайлов комиссияси томонидан Тошкент шаҳридаги 126-Темирийўлчилар сайлов округига қирадиган, Ўзбекистон Республикаси Олий мажлиси Қонунчилик палатаси, халқ депутатлари вилоят, туман ва шаҳар Кенгашларига сайлов ўтказадиган участка сайлов комиссияси аъзолари учун семинар-тренинг ташкил этилди.

Сайлов участкаларида фуқароларимизга ўз сайлов ҳуқуқларини амалга оширишлари учун барча шароитлар яратилган.

Семинар-тренинг давомида сайлов қонунчилигимизга киритилган ўзгартиш ва қўшимчалар, участка сайлов комиссиялари томонидан сайловга тайёргарлик кўриш ва уни ўтказиш жараёнларини қонун ҳужжатларига қатъий амал қилган ҳолда очик, ошкора ва холислик мезонлари асосида ташкил этиш лозимлиги ҳақида тўхталиб ўтилди.

Эслатиб ўтиш керакки, мамлакатимизнинг хорижий давлатлардаги ваколатхоналари ҳузурида ташкил этилган сайлов участкалари Марказий сайлов комиссиясининг қарорига кўра, айнан Тошкент шаҳридаги 126-Темирийўлчилар сайлов округига бириктирилган.

**Жавлон ВАФОЕВ,**  
«Turkiston» мухбири



# КОМИЛЛИККА ИНТИЛИШ БАХТИ

(Давоми, бошланиши  
1-саҳифада)

Муборак ёшли, фикрлари теран, дилтортар олим билан суҳбатлашиш мароқли. Гўё Навоий ҳақида уйлаб юрган саволларга жавоб топгандай бўлади киши, шундай донишманд миллатдоши борлигидан фахр ҳиссини туяди. Бу суҳбатни энди бир умр унутолмасам керак деган тўхтамага келади. Ул зот сизга мана Навоийни ҳақиқий ўрганадиган давр келди, бунинг учун ҳамма имкониятларни мустақиллик берди, унинг ниятларини амалга ошириб маданиятимизни ер юзига кўз-кўз қилайлик деяётганга ўхшайди. Бунинг учун шеърят султонининг асарларини кунт билан ўрганиш керак...

Домла Навоийнинг «Лисон-ут-тайр» достонидаги, «...неки мен дедим муҳаббатдан эди...», деган сатрларни алоҳида ургу бериб айтади. Бутун ҳаётининг мазмунини инсонга бўлган муҳаббатда деб билган, қўлидан келганча бева-бечора, етим-есирларга ёрдам қўлини чўзган, пировардида бойлигини эл манфаати йўлида сарфлаган шоирнинг муҳаббати юксак эди. Бу муҳаббат ҳирсу ҳавасдан йироқ, покиза, қалб гўзаллигининг олий намунасидир. Мана шу муҳаббатга содиқ инсон ҳаётда бахт топади, фан эшикларини очади...

— Навоий яратган асарлар энг мўътабар ва азиз адабий хазинаки, унинг кадр қиймати асрлар ўтса-да, заррача камайгани йўқ, аксинча, тобора ошиб бормоқда. Табиат муҳофазаси борасида ҳам унинг айтганларига амал қилсак, асло кам бўлмаймиз, — дейди Азизхон домла. — Чумолига ҳам озор берма деб танбех беради шоир, шунингдек, кабутар болаларини учирма қилгунча ходирингни бузмай тур дея сабоқ беради. Бу табиатга чинакам муҳаббат эмасми? Навоий ўз асарларида табиатга доир муаммоларни бартраф этиш лозимлигини уқтиради. Ҳазратнинг ҳар бир асарига табиатга нисбатан жуда катта ҳурмат, шоирона эҳтиром мавжланиб туради. Агар биз табиатни Навоий севганчалик севсак, комиллик йўли-

Олимнинг ижодий фаолияти юксак эътироф этилган. Илм-фан ривожига қўшган ҳиссаси учун «Буёқ хизматлари учун», «Эл-юрт хурмати» орденлари, «Шўхрат» медали билан мукофотланган.

да залворли қадам ташлаган бўламиз. Инсон борлиқни, табиатни қанчалар эъзозласа, ўзининг гўзаллигини, буюклигини кўргандай бўлади.

Домла Навоий ҳақида сўзлар экан, жон қулогингиз билан тинглайсиз, қалбингиз

ҳислар оғушида қолади. Саволлар куюлиб кела бошлайди. Ҳаяжонингизни зўрға беркитасиз. У ўзи билан тингловчи ўртасидаги пардани кўтариб ташлайди. У суҳбатдошига ўзини билимдон қилиб кўрсатмайди, саволингизга мухтасар ва жонли мисоллар билан жавоб беради.

Алишер Навоий дунёвий покиза ишқни ҳамма нарсадан устун қўяди. Фарҳод арман қизи Ширинни севади. Шайх Санъон ҳам тарсо қизига ошиқ бўлади. Демак ҳирсу ҳавасга бўйин эгмаган туйғулар ўз соҳибини юксакликка олиб чиқади. Шу ўринда «Хамса»нинг биринчи китоби «Ҳайратул-аброр»даги ҳикоят диққатни тортади. Унда шаҳзода Нўширавон ёрини қучмоқчи бўлганида, ҳаё боғида ўсиб турган нарғисдан уялганини таърифлайди. Ана ўша ҳаё уни жаҳонгирлик, улғу инсонлик мақомига кўтарди, дея хулоса қилади ҳазрат Навоий.

Азизхон домла босиб ўтган шонли йўлига назар ташлар экан, бугунги замонга муносиб фарзанд бўлишни қайта-қайта уқтиради. Жаҳондаги ҳеч бир мамлакатда адабий меросни ўрганишга биздаги-

Азизхон Қаюмов 1926 йилда Қўқон шаҳрида туғилган. Ўзбекистон Фанлар академияси академиги. «Алишер Навоий», «Фарҳод ва Ширин» сирлари», «Нодир саҳифалар» сингари ўнлаб асарлар, юзлаб илмий мақоалар муаллифи.



Рустам НАЗАРМАТОВ олган сурат

дай эътибор берилмаётганини такрор таъкидлайди.

Чиндан ҳам, жажжи болаларнинг ойнаи жаҳон орқали бурро сўзлаётгани кишини қувонтиради. Навоий асарларида бу фақат шоҳ Искандарга насиб этган эди. Ҳозир ҳар бир хонадонда телевизор, компьютер, DVD плейер бор. Улардан ўз ўрнида, мезъерида, самарали фойдаланиладиган оилаларда камол топаётган болаларнинг дунёқараши ўсмоқда. Замонавий техника усуналар, ахборот технологиялари ёрдамида фан сирларини ўрганмоқдалар.

Дунёдаги бир неча давлат пойтахтларида Навоийга ҳайкал ўрнатилганида катта маъно бор. Мустақилликкача Навоийга бағишланган анжуманлар онда-сонда ўтарди. Ҳозир у зотнинг

таваллуд куни байрамга айланиб кетди. Унинг номи билан аталган боғ-роғлар кўп. Жамиятимиз тараққиётига халал берадиган иллатларни йўқотишда Навоий меросидан фойдаланилмоқда. Унинг беназир муҳаббати қалбларга эзгу ҳислар солмоқда.

Ҳар гал устоз Азиз Қаюмов суҳбатидан кейин, қалбимни ўзгача бир ҳаяжон, улғу шоир умри давомида неча минглаб ёшларга ана шундай олижаноб хислат — Навоийни севиш, асарлари мағзини чақиш ҳиссини сингдирганлар. Эл-юрт ардоғида, шогирдлар даврасида кексалик гаштини сураётган Азизхон Қаюмовнинг хонадонидан чиқиш асносида ҳамиша бор бўлинг, устоз, зиё тарқатишдан асло толманг, деган ёруғ ният кўнглимдан кечди.

Пардабой ТОҶИБОЕВ,  
журналист

## Kelajakka qadam

# Юрт келажакни фарзандларимиз тимсолида кўрамиз!

«Дунёда «ўзбек модели» деб тан олинган, мамлакатимиз миллий тараққиёт стратегиясининг ажралмас қисми бўлган Кадрлар тайёрлаш миллий дастурини ўз вақтида қабул қилиб, амалга оширганимиз янги ҳаёт, янги жамият қуришда энг кучли, айтиш мумкинки, энг қудратли омил бўлиб, нафақат таълим соҳасини, балки одамларимизнинг дунёқарашини, бутун ҳаётимизни тубдан ўзгартириб юборгани ҳақида бугун ҳар қанча гурурланиб, фахрланиб гапирсак, арзийди, албатта», дея таъкидлаган эди Президентимиз Ўқитувчи ва мураббийлар куни муносабати билан устозларга йўллаган табригида.

Мамлакатимизда таълим тизимидаги чуқур ислохотлар, хусусан, «Мактаб таълимини ривожлантириш давлат умуммиллий дастури»нинг изчил амалга оширилгани натижасида замон талабларига мос янги умумтаълим мактаблари қад ростлади, минглаб мактаблар таъмирланди. Жорий йилнинг ўзида эса Президентимизнинг «Ўзбекистон Республикасининг 2014 йил Инвестиция дастури тўғрисида»ги қарорига мувофиқ вилояти-миз бўйича 18та умумтаълим мактаби капитал реконструкция қилинди, қўшимча бино ҳамда янги спорт заллари қурилиб, зарур жиҳозлар билан таъминланди. Яна 10та мактаб тўлиқ таъмирланди. Шунингдек, 274та мактаб жорий таъмирланиб, 267тасининг моддий-техник базаси янгиланди.

Бугун ҳар бир мактабда директор жамғармаси ташкил этилган. Жорий

йилнинг ўтган тўққиз ойи давомида мазкур жамғармалардан 25,1 миллион сўмдан ортқ маблағ педагог ходимларни рағбатлантиришга сарфланди. 10379 нафар ўқитувчига эса касб маҳорати ҳамда синфдан ташқари ишлари учун устама тўловлар белгиланди.

Кейинги йилларда вилоятдаги умумтаълим мактабларида фаолият кўрсатаётган педагог кадрлар орасида янги педагогик технологиялар асосида дарс ўтадиган ижодкор ўқитувчилар сафи кенгаймоқда. Уларнинг энг намунали деб топилган дарс ишланмалари тарғиб қилинмоқда, илғор тажрибалар оммалаштирилмоқда. Умумтаълим мактабларини юксак салоҳиятли педагог кадрлар билан таъминлаш доимий эътиборимизда.

Иқтидорли болалар билан ишлаш, истеъдодли ўқувчи ва ўқитувчиларни

рағбатлантиришга алоҳида эътибор қаратилган. Вилоятда ёш ўқитувчиларнинг касб маҳоратини оширишга қаратилган 19та «Маҳорат мактаби» фаолияти йўлга қўйилгани соҳа ривожига муҳим аҳамият касб этипти. Бугун ушбу маҳорат мактабларида «Умумтаълим мактабларида узлуксиз методик хизмат кўрсатиш самарадорлиги», «Дарс муқаддас», «Ўрган — ўргат», «Узлуксиз ва узвий», «Соғлом муҳит — соғлом жамоа» каби амалий-методик қўлланмалар татиқ этилмоқда.

Бугун фарзандларимиз, ўқувчи-ёшларимизнинг турли фан олимпиадалари ва беллашувлари, халқаро кўрик-танловларда эришаётган ютуқлари тимсолида бундан ўн етти йил аввал қабул қилинган Ўзбекистон Республикасининг «Таълим тўғрисида»ги қонуни ҳамда Кадрлар тайёрлаш миллий дастури самараларини кўраётимиз. Хусусан, Бухоро вилояти халқ таълими бошқармасига қарашли таълим муассасалари ўқувчилари ҳам яратилган шароитлардан самарали фойдаланган ҳолда нафақат вилояти-миз ёки республикамиз, балки халқаро миқёсда ҳам ўз билим ва иқтидорини намоён қилмоқдалар.

Қоракўл туманидаги 52-ихтисослашган давлат умумтаълим мактаби ўқувчиси Абдумалик Абдуқаюмов Москва давлат университетининг

Тошкент шаҳридаги филиалида Ло-моносов фестивали доирасида ўтказилган математикадан очик олимпиадада иккинчи ўринни эгаллади. Олот туманидаги 31-мактаб ўқувчиси Даврбек Олтибоев эса Корея Республикасида математика фани бўйича бўлиб ўтган халқаро олимпиадада юртимиз шарафини муносиб ҳимоя қилди. Кимё, биология, она тили ва адабиёт, чет тили фанлари бўйича ҳам ўқувчиларимиз ўзларининг юксак салоҳиятларини намоён этмоқда.

Албатта, соҳада ечимини кутаётган масалалар ҳам йўқ эмас. Жумладан, таълим-тарбия жараёнини намунали ташкил этиш борасида олиб борилган назорат давомида имконияти чекланган ва ижтимоий ҳимояга муҳтож 146 нафар вояга етмаган ёшларнинг ўқишга жалб этилмагани аниқланди. Улардан тўрт нафари Мурувват уйига, 48 нафари махсус таълим муассасаларига йўналтирилди. 52 нафари уйда яқна тартибда таълим олиш имкониятига эга бўлган бўлса, 42 нафарига умумтаълим мактабларида тахсил олиш учун тавсия берилди.

Мирзохид ДАМИНОВ,  
Бухоро вилояти халқ таълими  
бошқармаси бошлиғи

## Nuqtai nazar

## Глобаллашув озоҳликка ундайди

«Биз динсиз яшай оламизми? «Худо йўқ дунё»-да қандай ҳаёт кечиришимиз мумкин?» Илм ва илғор технологиялар билан ҳар қандай «ғайритабиий» ҳодисаларга жавоб топамиз, деб ишонаётган Ғарб дунёсини бугун шундай саволлар қийнамоқда.

Унча узоқ бўлмаган ўтмишда ҳам христиан черкови монарх ва ҳукуматлар билан сиёсий қудрат борасида рақобатлашиб, улардан кўпинча устун келарди. Глобаллашув ижтимоий ҳаётга кириб келиши билан жамиятдаги кўпгина ижтимоий соҳалар қатори диннинг роли ҳам ўзгарди.

Илмий тафаккур ва технологиялар инсоният маънавиятининг муҳим омили бўлган динни ғоявий курашга чақирмоқда. Ўрта асрларда дунё аҳолиси учун оламни диний (мистик) идрок қилиш одатий ҳол эди. Хўш, энди-чи?

Бир пайтлар Англия ва Франция ўртасидаги юз йиллик уруш қаҳрамони Жанна д'Арк «илоҳ»лар билан сўзлашгани, улар Францияни қандай қутқариб қолиш мумкинлигини айтишгани ҳақида гапирганда бунга ҳеч ким шубҳа қилмаган. Аммо бугун кимдир шунга ўхшаш мистик ҳолатлар ҳақида гапирса, бу руҳий носоғломлик белгиси сифатида баҳоланади. Ғарб фан-техника инқилобидан ҳовлиқиб, Худони инкор эта бошлаганига қарийб уч аср бўлди. Афсуски, Э.Дюркгеймнинг «Ижтимоий прогресс ривожлангани сари диннинг таъсири сусая боради» деган ба-

шорати тасдиғи аксарият Ғарб мамлакатларида кузатилмоқда. Бу жиҳатлар христиан оламида. Исломи оламида-чи?

Азалдан ислом пайдо бўлган ва эътиқод қилинган Осиё ва Африканинг аксарият мамлакатларида диннинг мавқеи кучли бўлган ва ҳозирда ҳам у ўз мақомида. Бироқ диний фанатизм, диний экстремизм, фундаментализм хуружлари инсонлар онгида аслига ёт қараш ва тасаввурларни ҳосил қилмоқда. Бўлмаса «жиҳод» дея бозорларда, аҳоли гавжум ҳудудларда ўзини портлатиб юбораётган «диндор»ларнинг ҳаракатлари қайси диннинг қай мезонига тўғри келади? Энг ёмони, уларнинг аксарияти ислом дини ниқоби остида ҳаракат қилмоқда. Қудратли «қўллар» томонидан уюштирилаётган мазкур ҳаракатлар инсоният кўзи ўнгида асл ислом динининг моҳиятига, мавқеига путур етказяпти.

Ҳозирги дунёнинг мафкуравий манзарасида Шимолий Африкада жойлашган Миср, Ливия, Суриянинг тақдири ачинарли кўриниш олмоқда. Гўё глобал дунёнинг талаби бўлган «ҳаммабоп демократия»ни ўрнатиш мақсадида Ливия ва Мисрда уюштирилган

талотумлар озмунча инсонларнинг ҳаётига зомин бўлдими? Халқнинг тарихига, асрий қадриятларига, турмуш тарзига зид бўлган тузумни қандай қилиб зўрлик билан ўрнатиш мумкин, ахир?!

Тадқиқотчи Б.Умаровнинг хулосасига кўра, «глобаллашув жараёни одамзодга ўзаро ахборот алмашув, алоқаларни мустаҳкамлаш, ишлаб чиқариш суръатини кескин кенгайтириш борасида улкан имкониятлар бериш баробарида асрлар давомида етилиб келган муаммоларни ҳам юзага чиқара бошлади». Чунончи, халқлар томонидан миллий ўзига хосликка таҳдид сифатида эътироф этилаётган маданий ва ахборот экспансиялари миллий ва диний фундаментализм ҳамда экстремизмга, миллий сепаратизм ва терроризм учун замин ҳозирламоқда. Дунёда интеграциявий жараёнларнинг кучайгани халқаро нарқобизнесга ҳам кенг йўл очди. Айнан заҳриқотил савдосидан келаётган тушумларнинг асосий қисми диний экстремизм, фундаментализм ва терроризмни молиялаштиришга йўналтириляпти.

Жаҳон мамлакатларининг ўзаро жипслашуви, муштараклашуви ижобий ҳодиса, албатта, аммо унинг салбий жиҳатларидан ҳам кўз юмиб бўлмайди. Дин мисолида мулоҳаза қилинса, ижобий томондан турли дин вакиллариининг ўзаро яқинлашуви, уларнинг бир-бири ҳақидаги билимларининг ортишига, шу

билан бирга, диний бағрикенгликнинг кенг қанот ёзишига ҳамда дўстона алоқаларнинг ўрнатилишига йўл очилмоқда. Бироқ, бошқа томондан, миссионерлик, прозелитизмга кенг имкониятлар эшиги ҳам очилмоқдаки, уларнинг фаолият кўлами кенгайиб, кучайиб бормоқда. Интернет орқали улар ўз тарғиботчилик фаолиятини бемалол амалга оширишлари мумкин эндиликда. Бу фаолият халқларнинг асрлар мобайнида шаклланган қадриятлари, айниқса, диний қадриятларининг топталишига ҳам сабаб бўлмоқда.

Глобаллашув бу билан чекланмаяпти. Ахборот оқими ахборот тўфонига айланиб бораётган бир пайтда, ғарблик қайсидир олимнинг ислом дини ҳақидаги сафсаталарию қайсидир диний экстремистик гуруҳнинг портлаш содир этгани тўғрисидаги хабари зум ўтмаёқ ОАВ орқали ҳар бир мамлакатда турли талқинларда тарқатилади ва бу турли дин вакиллариининг бир-бирларига нисбатан муросасиз кайфиятни қувватлашга хизмат қилади. Натижада, яна кураш, яна жанжал ва яна жоғаро.

Таассуфки, баъзи мамлакатларнинг аччиқ қисмати бошқаларга етарлича сабоқ бўлаётгани йўқ, аксинча, аландан кучайтиряпти, холос. Бундан тўрт аср олдин Френсис Беконнинг «Кимки ахборотга эгалик қилса, у дунёга эгалик қилади» деган таъкиди бугун янгича мазмун касб этмоқда.

Жуда яхши тушунамизки, ҳар қандай хотиржам ва вазмин инсонни ҳам динини таҳқирлаш билан ғазаблантириш мумкин. (Масалан, 2005 йилда Пентагон илк бор Гуантанамода ҳарбийлар томонидан Куръон таҳқирланганини тан олган). Яна шуни айтиш керакки, ОАВ ҳам қандай хабарларни овоза қилишу қайсиниси уларнинг жаҳон миқёсидаги рейтингини кўтариши мумкинлиги яхши билади. Уларнинг ҳаракатлари натижаси ўлароқ, глобал молия рамзи бўлган Жаҳон савдо маркази («Эгизаклар» биноси) 2001 йил 11 сентябрь воқеаларидан сўнг диний муросасизлик манбаига айланди. CNN телеканалда ушбу воқеа тўғридан-тўғри намоиш этилгандан бери Ироқ, Афғонистон каби Шарқ мамлакатлари осойишталик нималигини ҳам унутмаёзди. Кембриж университети профессори Тимоти Уинтер: «Мақсадга эришиш учун беғуно кишиларнинг қонини тўкиш — бу дин талаб қиладиган мутлақ ахлоқий чекловларга нисбатан тескари ишдир», — дейди. Ҳақиқатан ҳам, қайси дин беғуно инсонлар ўлимини оқлайди? Жавоб битта: ҳеч қайси!

Биз бошқалар учун хулоса қилиш фикридан йироқмиз ва бу ишни ҳар кимнинг ўзига ҳавола этамиз.

**Абдувоҳид ЭРГАШЕВ,**  
**ТДЮУ магистри**

150 нафарар спортчи  
Ғолиблик учун курашмоқда

**(Давоми, бошланиши 1-саҳифада)**

Ўзбекистонда пенчак силат федерациясига 2009 йил 9 мартда асос солинган, барча вилоятларда филиаллари фаолият кўрсатмоқда. Бугунги кунда қирқ нафардан ортиқ мураббий икки мингдан зиёд ўғил-қизларга пенчак силат сирларини ўргатмоқда. Қисқа вақт мобайнида мамлакатимиз терма жамоаси шу спорт тури бўйича кўплаб халқаро турнирларда иштирок этиб, ғалабаларга эришди. Ушбу турнир эса пенчак силатни янада оммалаштиришга, бўлғуси чемпионларни тайёрлашга хизмат қилади.

— Мазкур мусобақа илк бор ўтказилмоқда, — дейди «Камолот» ЁИХ Марказий Кенгашининг бўлим мудир Умид Ражабов. — Мамлакатимизда пенчак силат бўйича ўтказиладиган бошқа турнир ва мусобақаларда иштирок этаётган ёшлар сони ортиб бормоқда. Агар 2013 йилда ташкил этилган илк халқаро турнирда уч юз нафар спортчи қатнашган бўлса, жорий йилда уларнинг сони 500 нафардан ортди. «Камолот» ёшлар ижтимоий ҳара-

*Пенчак силат Индонезиянинг миллий спорти. У яккакураш спорт турига кириб, кўл ва қурол билан жанг қилиш санъатини ўз ичига олади. Халқаро пенчак силат федерациясига 1980 йил 11 мартда Индонезиянинг Жакарта шаҳрида асос солинган. Айни пайтда унинг федерациялари олтмишдан зиёд мамлакатда фаолият кўрсатмоқда.*

кати томонидан ўтказилаётган «Uzbekistan open», «Халқаро фестивал», Ўзбекистон чемпионати турнирлари ҳам ёшларнинг спортга, хусусан, пенчак силатга қизиқишини ошириш, уларни жисмонан соғлом бўлиб вояга етишига хизмат қилмоқда.

Мусобақанинг дастлабки кунда иштирокчилар ҳар бир йўналиш бўйича ўз вазн тоифасида майдонга тушди. Муродилла Мирзааҳмедов ўз ёш тоифасида иккинчи ўринни эгал-

лади. Бу спортчи Наманган туманидаги 40-мактабнинг 2-синф ўқувчиси.

— Бир йилдан буён ушбу спорт тури билан шуғулланаман, — дейди Муродилла. — Хўжа қишлоғидаги 3-милиция таянч пунктига қарашли жанг санъати марказида устозим Сардор Эгамбердиев бошчилигида машғулот олиб борамиз. У ерда спортга қизиқувчи тенгдошларим кўп. Биринчи бор бундай мусобақада қатнашарман. Ташкилотчилардан миннатдорман. Мусобақа баҳона пойтахтни ҳам томоша қиляпман. Янги дўстлар орттирдим.

Мусобақанинг биринчи кунни якунига кўра, Тошкент шаҳридан Крилл Богдамов, Бунёд Бўриев, Иброҳим Фафуров, Абдулазиз Қобилбеков, Фарзия Ибрагимова, Юлия Тен, Элёрбек Алиев, Мансур Мирхолиқов, Тошкент вилоятдан Лобар Раҳматжонова, Аълонур Аvezмуродов, Наманган вилоятдан Моҳира Икромжоннова, Раънохон Низомиддинова, Қашқадарё вилоятдан Арслон Алихонов, бухоролик Аваз Қурбонов ўз ёш тоифалари бўйича жанг, яқка тартибдаги машқ намоиши, кўргазмали чиқиш йўналишларида биринчи ўринни эгаллади.

Бугун пенчак силат бўйича «Камолот» кубоги мусобақаси ниҳоясига етади. Ғолиб ва фаол иштирокчиларга «Камолот» ЁИХ Марказий Кенгаши ҳамда ҳамкор ташкилотларнинг фахрий ёрлик ҳамда эсдалик совғалари топширилди.

**Рустам ЮСУПОВ,**  
**«Turkiston» мухбири.**

*Рустам Назарматов олган суратлар.*

Маданият ва спорт ишлари вазирлиги томонидан Ўзбек Миллий академик драма театрида «Маданият ва спорт: ташаббус ва таҳлил» мавзуида матбуот анжумани бўлиб ўтди. Унда вазирлик ходимлари, маданият ва санъат вакиллари, спортчилар иштирок этди.

## ЙИЛ САРҲИСОБИ

Тадбирда сўзга чиққан Маданият ва спорт ишлари вазири ўринбосари Д.Муллажонов ва бошқалар Президентимиз раҳномалигида ёш авлод маънавиятини юксалтириш, миллий маданият ва санъатимизни, спортни равнақ топтириш, истеъдод соҳибларини ҳар жиҳатдан қўллаб-қувватлаш ва рағбатлантириш масаласига алоҳида эътибор қаратилаётганини таъкидлади.

Матбуот анжуманида Соғлом бола йилида вазирлик томонидан маданият ва спорт соҳаларидаги ташаббуслар, амалга оширилган ишлар таҳлилига доир маълумотлар берилди.

Сир эмаски, ҳар йили мамлакатимизнинг барча ҳудудларида кўплаб замонавий маданият ва дам олиш марказлари барпо этиб келинмоқда. Бу йил 24та маданият ва аҳоли дам олиш маскани, 22та маданият ва истироҳат боғи фойдаланишга топширилгани бунинг тасдиғидир. Шунингдек, жорий йилда вазирлик тизимида Ўзбекистон Бадиий жамоалари ижодий бирлашмаси, Ўзбекистон Миллий симфоник, камер ва халқ чолғу оркестрлари бирлашмаси, Фарғона театр-концерт саройи, Ёшлар маданият ва санъат маркази сингари кўпгина янги муассасалар ташкил этилди.

Жорий йилда вазирлик ва бир қатор ҳамкор ташкилотлар томонидан «Ёшлик баҳори» ёш опера ижрочилари республика фестивали, «Competizione dell'Opera» халқаро танлови, «Ягонасан, муқаддас Ватан» анъанавий кўрик-танлови, «Созлар навоси» ёш муסיқачилар фестивали сингари ўндан ортиқ фестиваль ва танловлар ўтказилди.

2014 йилда юртимиз спортида унутилмас воқеалар кўп бўлди. Жорий йилнинг ўтган тўққиз ойи мобайнида Олимпия ва миллий спорт турлари бўйича ўтказилган 177та халқаро мусобақада спортчиларимиз 186 олтин, 200 кумуш, 239 бронза — жами 625та медални қўлга киритди.

Тадбир сўнггида оммавий ахборот воситалари ходимлари саволларига атрофлича жавоб қайтарилди.

**Санжар ИСМАТОВ,**  
«Turkiston» мухбири

### Obod yurtim



Наманган вилояти Норин туманидаги Катта Ўлмас қишлоғига борганимизда бу ерда қад ростлаган янги иншоотнинг очилиш маросими устидан чиқдик. Реконструкция ва қурилиш ишлари ҳисобига кўринишга келган маданият ва аҳоли дам олиш марказининг тантанали очилишида Наманган вилояти ҳокимлиги ва Норин тумани ҳокимликлари мутасаддилари, кенг жамоатчилик, меҳнат фахрийлари, ёшлар ҳамда оммавий ахборот воситалари вакиллари иштирок этди.

Маросимда давлатимиз мустақиллигининг дастлабки йилларидан Юртбошимиз раҳномалигида миллий қадриятларимиз, маданий, номоддий бойликларимизни асраб-авайлаб янада ривожлантириш, ёшларни миллий анъаналаримизга эҳтиром, садоқат руҳида тарбиялаш, бир сўз билан айтганда, маънавиятга алоҳида эътибор қаратиб келинаётгани ва пировардида бу жабҳада эришилаётган ютуқлар эътироф этилди.

Ўзбекистон Республикаси Вазирлар Маҳкамасининг 2013 йил 25 июндаги «2013 — 2018 йилларда замонавий маданият ва аҳоли дам олиш марказларини ташкил этиш чоратадбирлари тўғрисида»ги қарори ҳам бу борадаги амалий ишлар самарадорлигини оширишга қаратилган муҳим ҳужжатлардан биридир.

Миллий қадрият ва анъаналаримизни асраб-авайлаш, уларни ёш авлод орасида янада кенгроқ тарғиб қилиш, туман аҳолисининг ижтимоий-маданий фаоллигини қўллаб-қувватлаш, уларнинг дам олишини ташкил этиш, шунингдек, ўсиб келаётган ёш авлоднинг иқтидорини камол топтириш каби эзгу ишларга хизмат

# Қишлоқда яна бир замонавий иншоот

Шаҳару қишлоқларимиз гўзал тураржой бинолари, аҳоли дам олиш масканлари, маиший ва савдо иншоотлари, спорт мажмуалари, боғ-роғларию баҳаво хиёбонлари, равон кўчалари билан кўркamdир. Мустақиллик йилларида мамлакатимизда бунёдкорликка алоҳида эътибор қаратилаётгани бежиз эмас. Биздан озод ва обод Ватан қолсин, деган олижаноб гоё ҳам айнан бунёдкорлик ишлари билан муштаракдир. Бугун юртимизнинг қайси ҳудудига борманг, қурилиш-ободонлаштиришнинг гувоҳи бўласиз.



қиладиган мазкур марказни барпо этиш учун 362 миллион сўмдан зиёд маблағ сарфланди.

Ушбу масканда халқ ижодиётини асраб-авайлаш, ривожлантириш, профессионал ва ҳаваскор бадиий жамоалар, айниқса, ёшларнинг ижод қилишлари, аҳолининг бўш вақтини мазмунли ўтказиб, маданий ҳордиқ чиқариши учун барча зарур шароитлар яратилди. 150 ўринли концерт

зали, миллий созандалик ва хонандалик тўғраклари 42 миллион сўмликдан зиёд қийматдаги зарур жиҳозлар билан таъминланди.

— Конституция байрамига муносиб тўхфа бўлган ушбу марказ қишлоқнинг етти ярим минг нафардан зиёд аҳолисига хизмат кўрсатади, — дейди туман маданият ва спорт ишлари бўлими мудири Ҳасанбой Асридинов. — Келгусида Норинкапа, Чўжа, Ўзбекистон, Тўда қишлоқларида ҳамда Ҳаққулбод шаҳарчасида ҳам шундай марказлар барпо этиш кўзда тутилган. Бундай эзгу ишларни кўриб, Президентимизнинг халқимиз фаровонлиги йўлидаги чексиз ғамхўрликларини ҳис қиламиз.

Маросимга ташриф буюрган меҳмонлар марказда амалга оширилган ишлар ва яратилган шароитлар билан яқиндан танишди.

Санъаткорлар, болалар, бадиий ҳаваскорлик жамоалари ижросидаги концерт дастури билан яқунланди.

**Раҳмонжон МАМАДАЛИЕВ,**  
Наманган давлат  
университети талабаси.  
Муаллиф олган суратлар



### Tashabbus

# Ошназлик ҳам санъат

Термиз туризм ва меҳмонхона хўжалиги касб-хунар коллежида «Ош чемпионати» бўлиб ўтди.

Термиз тумани ҳокимлиги ва «Камолот» ёшлар ижтимоий ҳаракати туман кенгаши ҳамкорлигида ташкил этилган танловда ўттиз етти нафар ёш ошпаз ўз маҳоратини намойиш этди. Мусобақа шартига кўра, иштирокчилар икки килограмм ошни тез тайёрлаш билан бирга, унинг мазали чиқишига ҳам алоҳида эътибор қаратди. Ошпазлар маҳоратини вилоят ош маркази

уюшмаси, «Ўзбектуризм» миллий компанияси Сурхондарё вилояти бўлими, «Ассон» ресторани ходимлари кузатиб борди.

Мусобақа якунига кўра, Термиз туризм ва меҳмонхона хўжалиги касб-хунар коллежининг биринчи курс ўқувчилари тайёрлаган паловхонтўра энг мазали деб топилди. Қолган иштирокчилар «Хушчақчақ ошпаз», «Энг яхши ошпаз», «Энг

чаққон ошпаз» каби номинациялар бўйича тақдирланди.

Ош чемпионатида пиширилган ошларни татиб кўрган ҳар бир кишининг оғзида таомнинг таъми узоқ вақтгача қоладиган бўлди. Сабаби қалб кўри, бор маҳоратини ишга солиб тайёрланган ош, ҳамisha тотли ва мазали бўлади.

**Наргиза РАҲМАТУЛЛАЕВА,**  
«Turkiston» мухбири





# Бебаҳо дур

Илм талабида юрган пайтида Имом Бухорий денгиз орқали қаёққадир кетаётган бўлиб, ёнида минг динор пули бор эди. Кемадаги йўловчилардан бири унинг ёнига келиб, иззат-икромни ва ҳурматини билдириб, ўзини яқин тутди-да, муҳаддиснинг суҳбатига мухлис бўлиб қолди. Имом Бухорий ҳам ўзига нисбатан унинг меҳр-муҳаббатига дўстона муносабатини кўргач, илтифот кўрсатиб, самимий муомала қилди. Анча синашта бўлишгач, Имом Бухорий гап орасида ўзидаги минг динордан уни воқиф этиб қўйди.

Кейинги кун Имом Бухорийнинг бу суҳбатдоши уйкусидан уйғонгач, хўнграб йиғлашга туш-

ди, бакирганча, устидаги кийимларини йиртиб, юз-бошларига урганча, айюҳаннос кўтарди. Одамлар унинг фиғонидан ҳайратга тушиб, устма-уст саволга тутди. У эса ўзини жабрдийда кўрсатиб, ҳамёнимда минг динорим бор эди, йўқолиб қолди, деб зорланди. Шунда тафтишчилар кемадаги йўловчиларнинг киссаларини биттама-битта текшира бошлаганда Имом Бухорий ҳамёнидаги бекитиб қўйилган динорларни денгизга улоқтириб юборди. Тафтишчилар Имом Бухорийни ҳам текшириб, ундан ҳеч қандай ҳамён топмадилар. Шундан кейин пул йўқотдим, деб йиғлаган кимсага танбеҳ бериб, ёлғон гапиргани учун уни тавбасига таянтирдилар.

Манзилга етиб келиб, одамлар кемадан тушгач, пул йўқотдим,

деган кимса Имом Бухорийнинг ёнига келиб, минг динорни нима қилганини сўраганида, уни денгизга ташлаб юборганини айтди. У бу гапга ишонмай: «Шунча катта пулни йўқотишни ўзингга нечук раво кўрдинг?» — деб сўради. Имом Бухорий: «Эй жоҳил, мен бутун ҳаётимни Расулulloҳнинг ҳадисларини тўплашга сарф қилганимни билмайсанми? Бутун олам ҳалол-тўғрилигимни тан олган, қандай қилиб ўз иззат-нафсимни бир ўғрининг туҳматига гирифтор қилмоғим лозим экан? Бутун ҳаётим давомида топганим ишонч ва адолатдин иборат бебаҳо дурни қандайдир динорлар эвазига йўқотмоғим тўғрими?», — деб жавоб қайтарган экан.

(«Қадимдан ҳозиргача...» китобидан)

## Milliy qadriyatlarimiz



Паловнинг таъми инсонларга хуш ёқиб, уларнинг сеvimли таомига айланиши сири нимада?

Ўйлаймизки, бунинг сири мазали масалликлардагина эмас. Тўғри, гўшт, гуруч, ёғ, сабзи, зираворлар ҳар қандай овқатга ажиб таъм бахш этади. Бироқ уларни бир таомга жам қилиб санъат даражасида пишириш учун ошпаз нафақат билимли ва маҳоратли, шу билан бирга очиққўнғил, самимий, тийнати пок, фазилатли инсон ҳам бўлмоғи шарт. Шу маънода айта оламизки, ўзбекнинг миллий таоми — палов уни тайёрлайдиган инсонларнинг гўзал табиати, меҳмондўст одати, тинчликсевар ва дўстликпарвар фазилати билан ҳам бетакордор.

Андижон, Бухоро, Жиззах, Самарқанд,

Сурхондарё, Тошкент, Фарғона, Хоразм, Қашқадарё — умуман, юртимизнинг барча вилоятларида паловни ўзига хос тарзда тайёрлашади. Масалан, пойтахтда паловнинг усти бедана туҳуми, қази билан безалади. Фарғонача ош эса майда тўғралиб, гуруч билан аралаштириб дастурхонга тортилиши билан ажралиб турса, самарқандликлар паловни асосан зиғир ва кунжут ёғига тайёрлайдилар. Андижонликлар ошни дармондориларга бой турли зираворлар, саримсоқпиез, қалампир билан дамлайди. Шунингдек, хоразмча палов ҳам ўзига хослиги билан ажралиб туради. Қашқадарёликлар оши сергўшт бўлади...

Гарчи, тайёрланишида жузъий фарқлар бўлса-да, палов

Ўзбекистоннинг ҳар бир гўшасида севиб истеъмол қилинувчи таомдир.

Сайёҳлар, юртимизда яшаб, меҳнат қилаётган хорижликлар ҳам паловни тезда яхши кўриб қолади. Палов, шунингдек, Туркия, Озарбойжон, Қозоғистон, Ҳиндистон, Россия, Испания каби ўнлаб мамлакатларда ҳам сеvimли таом ҳисобланади. Масалан, Испания пойтахти Мадрид шаҳри-

да ўзбеклар ресторани бор. Унда ўзимизнинг ошпазлар бошқа миллий таомларимиз қатори палов ҳам дамлайди.

Ўзбекнинг ўчоқда пишган оши бугун бутун дунёда севиб истеъмол қилинмоқда. Халқона ибора билан айтганда, учин маънодаги паловхонтўрага айланди!

Моҳитобон ПЎЛАНОВА тайёрлади.



## «O'zbekiston belgisi» ko'krak nishoni sohiblari



**Кудрат Аминов, Мудофаа вазирлиги ҳарбий қисм взвод командири:**

— Мен учун Ўзбекистон Куролли Кучлари сафида хизмат қилиш катта шараф. Бунга болаликдан интилганман. Мамлакатимизнинг мудофаа салоҳияти тобора юксалмоқда. Ҳарбий қисм ва

бўлинмалар армиямизнинг жанговар қобилиятини сезиларли даражада ошириш имконини берадиган замонавий техника ва қурол-яроғ билан таъминланган.

Бугунги кунда давлатларнинг ҳарбий куч-қудрати нафақат қурол-аслаҳа, балки шу соҳада фаолият олиб бораётган мутахассисларнинг интеллектуал салоҳияти билан ҳам белгиланади. Шу боис юртимизда ҳарбий соҳада хизмат қилувчи ёшларнинг дунёқарashi, интеллектуал салоҳияти, иқтидорига алоҳида эътибор қаратилмоқда. Бугунги кун аскарари шунчаки қўлига қурол-яроғ тутиб, уни моҳирлик билан ишлата оладиган, жисмонан баркамол ҳарбий хизматчигина эмас, у дунёқарashi кенг, сиёсий ва ҳуқуқий билими мустаҳкам, юксак интеллектуал салоҳиятли шахс ҳамдир. Унинг мана шундай даражага етмоғи учун мамлакатимизда барча шароитлар яратилган.

Ана шу имкониятлардан фойдаланиб, мен ҳам бор иқтидоримни ҳарбий соҳага, давлатимизнинг мудофаа қудрати янада юксалишига сафарбар қилганман. Қисқа вақт ичида капитан унвонини олдим. Ёш бўлишимга қарамай, «Ўзбекистон белгиси» кўкрак нишонига муносиб топилганим ҳурматли Президентимиз, ҳукуратимиз ва халқимизнинг биз, ёшларга ишончи қанчалик юқори эканидан далолат беради. Бундан кейин ҳам мана шу меҳр ва эътибор, юксак ишончга муносиб бўлишга ҳаракат қиламан!



Дунёга донғи кетган ушбу музей-қўриқхона ҳудудида 54та қадимий меъморий обида, 40 мингга яқин нодир экспонат мавжуд. Улар юртимизнинг уч минг йилликдан узоқроқ тарихдан шохидлик беради. У жойлашган шаҳар ЮНЕСКОнинг «Бутун жаҳон мероси» рўйхатига киритилган.

Айтинг-чи, гап қайси шаҳар ва ундаги машҳур обидалар мажмуи ҳақида кетяпти?

Жавобингизни 16 декабрь соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади.

Ўтган сондаги саволнинг жавоби: Шоҳрух Мирзо.

Тошкент шаҳридан Нуриддин Холматов, Наманган шаҳридан Мурувват Қамбаралиева тўғри жавоб йўллади.

## Тафаккур қилмондан бир қатра

Яхшининг сўнгаги тупроқда чириса ҳам, номи қолади.

Маҳмуд Қошғарий